

Samostalni vijećnik Samir Skejić
22. sjednica Gradskog vijeća Zavidovići
dana: 28.02.2024. godine

- P R E P I S -

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

GRADSKO VIJEĆE ZAVIDOVIĆI
PREDSJEDAVALJUĆI GRADSKOG VIJEĆA
Admir Fojnica, prof.

Primljeno 16-05-2024			
Org. jed.	Kl. ozna.	Red. broj	Br. priloga
01	04	617/24	

U skladu s vijećničkim pravima i ovlaštenjima definisanim Poslovnikom o radu Gradskog vijeća postaviću više pitanja iz nadležnosti Grada:

„Predmet: Vijećnička inicijativa (5)
Inicijativa za uspostavu policijske ophodnje na biciklima.

Obrazloženje:

Cijeneći da je rad policijskih službenika u našem gradu opterećen sa mnogo teškoća materijalne i tehničke naravi predložio bih da se na nivou vijeća ili višem nivou vlasti razmotri mogućnost uspostave policijskog tima koji bi svoju terensku obavezu izvršavao uz korištenje bicikala kao prevoznog sredstva. Realizacija inicijative iziskuje značajna materijalna sredstva radi nabavke neophodne i specifične opreme, specijalnih bicikala na pedalni ili električni pogon, specijalnih uniformi i policijskih oznaka, te obuke za policijski tim koji bi obavljao ovu vrstu profesionalne zadaće. Razumije se da bi se ovakva vrsta policijske ophodnje provodila samo u periodu povoljnih vremenskih prilika, vjerovatno od mjeseca marta do novembra i da bi značajno doprinijela dobroj urbanoj mobilnosti nadležne policije, osobito u slučaju kupovine električnih bicikala, dugoročno mjereno bi stvorila određenu vrstu novčanih ušteda, smanjila zagađenja u javnom prostoru, doprinijela većem povjerenju građanstva prema policijskom radu i snažnijem osjećaju sigurnosti.

Ukoliko ovakva inicijativa izlazi van okvira nadležnosti lokalne zajednice molim da se ista proslijedi nadležnom nivou kantonalne vlasti radi očitovanja o njenoj funkcionalnoj izvedivosti u našem ili nekom od gradova kantona koji raspolaže sredstvima za realizaciju iste ili slične inicijative.“

„S poštovanjem,“

Vijećnik Skejić dr. Samir, s.r.



Broj: 08-02-02/1-03-5-1669- 1 /24 NB
Dana: 06.05.2024. godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno:	U 8 -05- 2024		
Org. jed.	Kl. ozn.	Red. broj	Br. priloga
01			

GRAD ZAVIDOVIĆI
GRADSKO VIJEĆE
- Stručna služba Gradskog vijeća -

Ulica Mehmed paše Sokolovića broj 9, Grad Zavidovići
72220 Zavidovići

PREDMET: Odgovor na vijećničku inicijativu, **dostavlja se,-**

VEZA: Akt Policijske stanice Zavidovići, broj: 08-02-10/1-03-1-1363/24 NB od 21.03.2024. godine i Vaš akt, broj: 01-04-617/24-AP-3 od 18.03.2024. godine

Poštovani,

obavještavamo Vas da je Uprava policije Ministarstva unutrašnjih poslova Zeničko-dobojskog kantona zaprimila akt Policijske stanice Zavidovići, broj i datum veze, kojim je dostavljen Vaš akt broj i datum veze, sa vijećničkom inicijativom vijećnika Samira Skejića, koja se odnosi na uspostavu policijske ophodnje na biciklima.

Nakon što smo razmotrili vijećničku inicijativu vijećnika Samira Skejića, obavještavamo Vas da je Pravilnikom o unutrašnjoj organizaciji Ministarstva unutrašnjih poslova Zeničko-dobojskog kantona, broj: 08-01-02-1-4-7/19 od 01.02.2019. godine, članom 1. stav (1), između ostalog propisano: "*nadležnost organizacionih jedinica, sistematizacija radnih mjesta sa opisom poslova, brojem izvršilaca, stručnom spremom, radnim iskustvom, stepenom složenosti poslova, kao i drugih uslova na određenom radnom mjestu*". Imajući u vidu činjenicu da predmetnim Pravilnikom kroz unutrašnju organizaciju rada Uprave policije, nije predviđen način djelovanja policijskih službenika opisan u vijećničkoj inicijativi vijećnika Samira Skejića, Uprava policije Ministarstva unutrašnjih poslova Zeničko-dobojskog kantona nije u mogućnosti uspostaviti navedeni način rada i djelovanja policijskih službenika putem ophodnje na biciklima. U cilju efikasnijeg, bržeg i ekonomičnijeg obavljanja poslova i zadataka sve organizacione jedinice/policijske stanice Uprave policije MUP-a ZDK opremljene su mopedima koji se koriste na urbanom gradskom području u povoljnim vremenskim prilikama i čiji angažman se isključivo koristi za obavljanje poslova i zadataka, opisanih u vijećničkoj inicijativi vijećnika Samira Skejića.

Takode, u ranijem periodu, prije donošenja i stupanja na snagu predmetnog Pravilnika, na području grada Zenica kao probni vid policijskog djelovanja, uvedene su policijske patrole na biciklima čije se djelovanje u veoma kratkom vremenskom periodu, shodno trenutnom okruženju, prilikama u društvu i izgrađenoj svijesti pojedinca i zajednice na takav vid i način djelovanja policijskih službenika, pokazalo neprihvaćenim i nefunkcionalnim, pa samim tim takav način djelovanja i rada policijskih službenika nije predviđen predmetnim Pravilnikom o unutrašnjoj organizaciji Ministarstva unutrašnjih poslova Zeničko-dobojskog kantona.



Imajući u vidu činjenicu da sama uspostava ovakvog načina rada i djelovanja policijskih službenika iziskuje i značajna materijalna sredstva (nabavka specijalne opreme, specijalnih uniformi, specijalnih bicikala na pedalni/ljudski ili električni pogon, posebnih obuka, rada na podizanju svijesti pojedinca i zajednice ovakvom načinu rada i djelovanja-seminari, edukacije, radionice i sl.) potrebno je kroz dugoročno planiranje i kapitalna ulaganja planirati sredstva za realizaciju navedenog.

Na kraju, Uprava policije Ministarstva unutrašnjih poslova Zeničko-dobojskog kantona pozitivnim cijeni vijećničku inicijativu vijećnika Samira Skejića, te se nada da će u skorijoj budućnosti, nakon implementacije navedenog, predloženi vid i način djelovanja policijskih službenika u svom radu, imati značajnu ulogu u samom radu i djelovanju Uprave policije Ministarstva unutrašnjih poslova Zeničko-dobojskog kantona.

S poštovanjem!

Dostavljeno:

- naslovu 1x
- a/a 1x

POLICIJSKI KOMESAR
GENERALNI INSPEKTOR POLICIJE
Admir Gazić

